

آبونه سرائطی

ممالك عثمانیه ده سنه لکی (۶۵)، آلتی
آیلفی (۳۵) غروشدر.
ممالك اجنبیه ده سنه لکی (۸۰)، آلتی
آیلفی (۴۵) غروشدر.

اداره خانه

باب عالی جاده سنده دائرة مخصوصه

اضطارات

آبونه بدلی پشیندر.

مسلكه موافق آثار مع المونیة قبول
اولنور. درج ابدله یں یازیلر اعاده
اولونماز.

الکتاب

اضطارات

رساله مزدن آلتدیفی کوسترک
شرطیله بتون یازیلر هر هانکی بر
غزته طرفندن اقتباس اولونه بیلیر.
مکتوبلرک، امضالری واضح و
اوقوناقا اولمسی، وابونه سره
نومروسنی محتوی بولمسی لازمدر
ممالك اجنبیه ایچون آبونه اولانلرک
آدرس لرینک فرانسزجه ده یازلمسی
رجا اولنور.
باره کوندردلکی زمان نه به دائر
اولدیغنک واضحاً بیلدیرلمسی رجا
اولنور.

دینی، فلسفی، علمی، ادبی هفته لاق مجموعه اسلامیه در

صاحب و مدیر مسئول

باش محرر

اشرف اریب

محمد عا کف

والله یهدی من یشاء الی صراط مستقیم

اتبعون اهدکم سبیل الرشاد

مصر احوالی

حرب حاضرک باشلادینی ایلک آیاردہ مصرده مضایقه مالیه ، کویلیلرک باموقلرینی صاته مدقلرندن ملولای ، بتون شدتیه حکمفرما اولمش و ویرکیار ویریلهمه مشدی . بوندن باشقه بانقه لر قابولرینی قاپامش ، آلتون باره کاملاً لوندریه کوندرلمش ایدی . دها هنوز او وقتاردہ مصر حکومتی قیرباحله ویرکی طویلامغه باشلامش ، زواللی اهالی پک مدھش بر عذاب ایچنده یشامغه محکوم قالمشدی . فقط هر حالده خزینہ مالیه آلتون طاشیمق ایله مکلف اولان خائن « حسین رشدی » قاینه سی اهلیدن قادیلرک مجوهرات و آلتونلرینی ویرکی یرینه قبول ایدمچکنی رسماً اعلان ایتک حیا سزلغنده بولغش وقادیلرک بیلہ ثروتی ، احتراصات شخصیہ سنی تطمین و پک موهوم اولان موقع اقبالی محافظه ایتک اوغرندہ ، طویلامغه باشلامشدی . بوحال شامت زواللی مصرک ، وحشی حامیلری ! طرفندن معروض قالدینی مظالم احاکارانه حقندہ بر فکر ویرہ بیایر .

حالبوکه حرب عمومی اون بشنچی آیه کیریور . وانکلیرلر خسراندن خسرانه معروض قالیور . هرکون مبنای امیدلرینک بر کوشه سی بیقیلیور . حربی هزیمتارینه برده سیاسی هزیمتاری انضمام ایدیور . حاکمیتلری آلتندہ بولناز مستملکه لردہ بیلہ کپازه اولیور . بناءً علیه کون کچدکجه قودوریور . طینت خیشهلرندہ کی ملعت تماماً نظام ایدیور و بوملعتی معصوملر حقندہ شیع بر صورتده تطبیق ایدیورلر . صرک کونلردہ آلتان حوادندہ ماقسوملک اجراآت ابلیسانه سی بونک اک ساطع برهانیدر .

بالخاصه جامع الازهرک ، بو اک اسکی اسلام دارالفنونک قیامی پک مهم بر حادثہ در . جامع الازهر عالم اسلامک هر طرفندہ بیوک بر شهرت قازانمش ، بیک سنه دنبری بیکلرجه عالم یتشدیرمش بر مؤسسه اسلامیہ در . عالم اسلامک هر کوشه سندن طلبه علوم جامع الازهره قوشمش و اوراده تشنه روحارینی سیلابه انوار ایله ریان ایتشلردر . بومؤسسه اسلامیہ نک قیامی انکلیرلرک تقرب سقوطنه بر فال خیردر . انکلیرلرک مقدسات اسلامیہ یی بلا پروا چیکنملری سادہ مصرده ده کل ، بتون عالم اسلامده مدھش بر انفعاله سیدیت ویرہ جکدر . انکلیرلرک قوتی نه اولورسه اولسون بوحادثه قانلی حرکانه بادی اوله جقدر .

انسان نقدر اعتدال دمنی محافظه یه غیرت ایدرسه ایتسون بوحوادنک قارشیسندہ پر هیجان کسبیلور . فقط جناب حق ظالملرک بایدقلرندن اصلا غافل دکدر . انکلیرلرک باشنه بونجه فلاکتلری ایندیرن معصوملرک انتقامی آلان الله ذوالجلال یارین بودولت ملعونه نک بوغازینی ده اسلام اردوسنه چیکنہ ده جکدر . « وسیع المذین ظلموا ای منقلب ینقلون »

ترک ایتسی ، انکلتره یی بویله اومولماز کریوملرہ دوشوردی . بلجیقانک بیطرفلغنه رعایت اولنمدیغندن آلمانیایه اعلان حرب ایتک مجبور قالدیغنی خلقه یوتدیرمق ، کندیسنی انسانیت ومدنیت حامیسی کوسترمک ایسته ین انکلتره ، شیمدی یونانستانه قارشونه لریاییور ، نه او یونلر اویناییور ! هانیا حقوق دول ، معاهدات بین المللی ؟ ! دیمک که منفعت مسئله سی اورتیه آتیلنجه « هر یاییلان جائز » قضیه سی ایاری یه سورولیور . اودت ، بو حرب عمومیده بوتون او خیانت ، مکر و فساد ماسکه لری یوزلردن ایندیرلدی . هر حکومتک ، هر ملتک ماهیتی میدانہ حقیقی . اک صوکره هر کس آکلادی که حق ، حقوق . . . اوکی لاقیردیار بوش ایمش ، سوز قوت و قدرتک ایمش . یکرمنچی عصرک یکانه دستور لایتیری (الحکم لمن غلب) و (القوة للسيف) دن بشقه بر شی دکدر . کوچلی ومتین اولق بو عصرک لوازمندندر . ضعف قدر بر جنایت بو عصرده تصور ایدلز . ضعیف دائماً محکوم انقراضدر . بناءً علیه بو یکی سلاحی بزم فعلیاتیلہ طانتدیرمش اولان ائتلاف دولترینه قارشو ، بز مسلمانلرده آتی حقیقه استعمال ایتکده معذورز . ذاتاً قنارہ قارشو ایتک طوغرو بر حرکت دکدر .

(نکوی با بدان کردن چنانست - که بدکردن بجای نیکردان)

(اذا انت اکرمت الکرم ملکته - وان انت اکرمت اللئیم تمردا)

بزم وارلغمره دشمن اولانلرله چاریشمقدن ، انتقام آلمقدن ، اسلامک حیات و استقلالی مدافعه دن باشقه چاره من قالمامشیدی . بناءً علیه مرکزی اوروپا دولتلری هم بزم دوستمز ، همده دشمنلرمنزک دشمنلری اولدقلرندن آنلرله برابر توحید مساعی و منافع ایدرک متوکلاً علی الله حربیه آتیلدی ، جهاده باشلادی . دها شیمدیدن قایتولاسیونلری ، اوتهمک و تحکملرینی باشمزدن دفع ایتدک . مسلمانلنی بویوک بر فلاکتدن قورتاردق . آرتق مسلمانلر ایچون پک پارلاق بر استقبال واردر . اکر مسلمانلر بو نعمتک ، من عندالله بخش اولونان بومظفیریتک قیمتی تقدیر ایدرده الاله ویرهرک چالیشیرلرسه اسلام آرزمان ظرفنده اورتبه یوکسله جک ، اودرجه مجد و شرف احراز ایدمچکدرکه قدرت وشوکتی دنیالری استیلا ایدمچکدر . واقعا دولة الخلافه بویوک فداکارلقلره قاتلانندی ، بر سنه دنبری اوروپانک بویوک دولترینه قارشو کوکس کرییور ، اولنرک مدھش مهاجمانه قارشو وجودندن سپر یاییور . فقط اعلاهی کلمه الله اوغورندہ جان ومالک نه اهمیتی وار ؟ مسلمانلق ایچون هرشی فدا . بز ، دولت الخلافه مسلمانلری ، بوتون جهان اسلامه قارشو ، سعی وجدیتیزی ، فداکارلغمری کوستردک ؛ جهادیولنده رهبرلک وظیفه سنی بحق ایفا ایتدک . آرتق اسلامک یوکسلمسی ، کسب شان وشرف ایتسی ایسته ین بوتون اسلام امتلری ایچون بویوله توجه ایتک ، خلیفه نک سنجانی آلتنه طویلانق زمانی کلشدر . هیچ بر شی یوقدر ؛ یالکیز مسلمانلق واردر . اونک ایچون اولورز ، اونک ایچون شان قازانیرز . دارالخلافه قبولرندہ وبوتون حدودلرندہ دشمنله چاریشان هر مجاهدک روخنده بو امل حکمراندر ؛ سائر اقوام اسلامیہ دن بکله دیکمزده بودر . « ان تنصروا الله ینصركم »

س . م . م . توفیق